

Богдан ГАМБАЛЬ

Спільнота пам'яті – Чертіжне¹

В п'ятницю, 28 квітня 2017 р., зачали ся лемківскы упам'ятніня 70. річниці акції «Вісла». До неістнуючого днес села Чертіжне пришли потомны бывшых жытелів села з родин Мадзелянів, Міхневичів і Даляків, запрошены представники державных власти в особі Анджея Стефаньского, высланника омбудсмена. Пришли делеґації Русинів з Америки – Марія Сільвестрі, Джон Ріґетті, Катерина Сільвестрі; з Підкарпатской Руси – Валерій Падык з Ужгорода (выдавця і выкладовця Пряшівского Університету), Миколай Бобинец – член Світової Рады Русинів репрезентуючий Підкарпатскых Русинів і Юрій Шыпович – редактор часопису «Отцюзнина»; а дале з Пряшівской Руси – писателька Людмила Шандалова з мужем Владиміром Шандалом і Петро Медвідь з Пряшова – шефредактор «ІнфоРусина». В упам'ятнінях взяли учас делеґації Лемків, котры пришли з чужыны, зо Заходу, і тоты, котры днес жыют в Горах.

На початку події од імене організаторів присутных повитала Олена Дуць-Файфер. В ввідным слові повіла м.ін.: «Ани сел, ани люди, ани їх культуры, ани їх пам'яті, ани їх сердец так легко знищити ся не даст», «70 років тому зачала ся наша депортація, депортація наших предків. Але наша прото, же несеме в собі ціле того вигнання. Оно ся не скінчыло, оно ест до днес, але же вертаме, то значыт, же сме». По тых словах о. Ярослав Чухта, парох грекокатолицькой парохії в Высові, і о. Ярослав

¹ Текст был опублікуваний на порталі ЛЕМ.фм+: <http://www.lem.fm/spilnota-pamyati-cherti-zhne/>, 30.10.2017.

Мадзелян, монах – студита зо Львова, котрого рід з Чертіжного, одслужили панихиду за жертвы акції «Вісла».

В селі Чертіжне находила ся грекокатолицка церков Архістратига Михаїла з 1791 р. зруйнована в 1952 р. по выселіню Лемків.

Фотографічна реляция Петра Басалыгы





